



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## **MANIFESTATZIONE DE INTERESSU PRO SU SÈBERU DE IS CUMPLEMENTES DE SA CUMPANGIA BARRACELLARE**

A pustis de s'aprovatzione in Cussìgiu Comunale de su Regulamentu comunale subra de s'organizatzione e su funtzionamentu de is Barracellos, puru de su sèberu e de sa nòmina ufitziale de su Capitanu, in sa persone de su sig. Vincenzo Gerardo Di Rosa, chi at a tènnere su còmputu de coordinare su cumpartu, est como netzessàriu individuare is cumplementes de sa Cumpangia. Is requisiti e is atributziones de is matessi sunt prevididos dae s'artìculu 9 de su Regulamentu nomenau.

Est duncas istabilida una manifestatzione de interessu chi mirat a su sèberu de is sugetos in possessu de is cumpetèntzias netzessàrias a assùmere s'incàrrigu. Is interessados ant a dèvere presentare dimanda de candidadura, impreende s'apòsitu mòdulu. Sa dimanda, in manera dèpida sutascrita, at a dèvere cròmpere a su Protocolu de su Comune de Quartu Sant'Aleni, bia Eligio Porcu 141, 09045, Quartu Sant'Aleni (CA), intro su tèrmine perentòriu de su 28 freàrgiu 2022, a is oras 12:00.

Sa trasmissione at a pòdere acontèssere tràmite PEC a s'indiritzu: [protocollo@pec.comunu.quartusantelena.ca.it](mailto:protocollo@pec.comunu.quartusantelena.ca.it), a manu in is oràrios de abertura a su pùblicu de s'Ufitziu Protocolu o pro mèdiu de impreu de su servìtziu postale. Si pretzisat chi casumai su candidadu sèbera su servìtziu postale, restant in capu a su matessi is arriscos de esclusione in casu de eventuale cunsinna in prus de su tèrmine de cale subra.